



NUTAARSIASSAT

Inatsisartut Siulittaasuannit
Lars-Emil Johansenimit

Ukiup affaa siulleq 2014



JANUAARIMI JUUNIMILU NERSORNAASIINERIT



Peter Beckip sɔlviusumik Nersornaaserneqarnera – 9. januar 2014

Ulloq 9. januar 2014 Københavni Kalaallit Nunaata Sinniisoqarfiani ukiortaami ilassininnermi nalliuttorsiorpalaartumik katerisimaarnermi Inatsisartut Siulittaasuata Peter Beck sɔlviusumik Nersornaasera.

Inatsisartut Siulittaasoqarfiata Peter Beck sɔlviusumik Nersornaasera Namminersornerulluni Oqartussaanerup aammalu Namminersorluni Oqartussaanerup nalaanni inuiaqatigiinni iluarsartuussinernik annertuunik pingaarutilinnillu arlalippassuarnik aallartitsinerni piffissami sivisuumi nersortarialimmik suliaqarsimanera pillugu.

Siulittaasup Peter Beckimut oqalugiammini ilaatigut makku erseqqis-saatigai:

”1988-imi taamani Aningaasaqarnermut Pisortaqaqfimmi maanna aningaa-

saqarnermut naalackersuisoqarfiusumi pisortatut atorfinitsinneqarputit, taamani suliassavit siullersarisimavaat Kalaallit Nunaata siullerpaamik aningaasarlulernissaata pinngitsoortiniarnissaa, tamatumani tigoriaannarnik aningaasasaqarnissaq qulakkeerniarlugu nunani allani aningaaserivinnit annertoorujussuarmik taarsigassarsisoqarlunilu sinerissamut qanittumi raajarniarnerup aaqjissuusaanikkut naleqqussarneqarnerani akiitsorineqartut akilersorneqartussaallutik.

Ukiut ingerlanerini ataatsimiititaliarpassuarni isumalioqatigiissitarpasuarnilu peqataasarputit. Aningaasaqarneq qulakkeerniarlugu suliatigut annertuumik piginnaasatit ilisimasa-tillu Kalaallit Nunaata qularutissaanngitsumik iluaqutigilluarpai, tamatumani aningaasaqarnerup siunissamut ungasissumut qulakkeerunneqarnissaa qitiutittuarsimavat.”

Andreas Lyberthip slviusumik Nersornaaserneqarnera – 30. juni 2014

Kangaamiuni nalliuttorsiorpaluttumik katerisimaarnermi oqalugiartoqarlunilu kingornagut kaffisortitsinermi Inatsisartut Siulittaasoqarfianni ilaasortap Ruth Heilmannip Andreas Lyberth slviusumik Nersornaaserpaa.

Inatsisartut Siulittaasoqarfiata Andreas Lyberth slviusumik Nersornaaserpaa inuunini tamaat inuiaqatigiinnik sullissimanera, inuussutissarsiornikkut siuarsaaqataasimanera aalisarnermillu ikaarsaariartornermi inuiaat ilisimasaqarnerulernissaannut aqutissiuusseqataalluinnarsimanera pissutigalugit.

Ruth Heilmann oqalugiarnermi erseqissaatigaa Andreas Lyberth inuunini tamaat inuiaqatigiinnik sullissimasooq aammalu aalisarnikkut ilisimasaqarnerulernissamut aqutissiuusseqataasimasooq.





NUNAT AVANNARLIIT KILLIIT SIUNNERSUISOQATIGIIFFIATA AALAJANGERSIMASUMIK QULEQUTAQARTITSILLUNI ATAATSI-MEERSUARTITSINERA - 22. JANUAR

Nunat Avannarliit Killiit Siunnersuisoqatigiiffiata Savalimmiuni Sandoyimi aalajangersimasumik qulequtaqartitsilluni ataatsimeersuartitsinerani Inatsisartut Siulittaasuut peqataavoq. Ataatsimeersuarnermi nunat avannarliit killiit nerisassanik imminut piler-sornerisa nukittorsarneqarnissaanut

periarfissat oqaluuserineqarput.

Apeqquutit ilaat oqaluuserineqartoq tassaavoq nunat pingasut taakku immikkoortitaaratik suleqatigiillutilli nerisassaqarniarnikkut isumannaas-sutsimik nukittorsaagunik pitsaanerusanersoq.

UNNUK KULTURISIORFIK – 25. JANUAR 2014

Unnuk Kultursiorfik januaarip qaam-mataani pisarnertut ingerlanneqarpoq. Inatsisartut aammaarlutik takusarneqarluarput aammalu inuppasuut isertut takullugit nuannerluni, tamatumani ilaatigut Inatsisartut Siulittaasuut Lars-Emil Johansen inersuarimi piffis-sap ingerlanerani nunatsinni naalak-kersuinikkut ingerlatsinerusarsimasut pillugit oqaluttuortoq tusarnaarneqar-sinnaalluni.

Unnuk Kultursiorfimmi oqaluttarfiup misilinnissaanut aammalu Inatsisartuni sulineq pillugu Inatsisartut Siulittaasuannik sulisunillu oqaloqateqarnis-samut Inatsisartullu Siulittaasuata allaffianut pulaarnissamut innuttaasut



periarfissaqarput. Aammattaaq Inatsisartut pillugit ilisimasanik eqquiniaasitsisoqarpoq, ukioq manna apeqquutit Ombudsmandimut suliaanullu attuumassuteqarlutik. Unnuk iluatsittumik ingerlavoq isertoqarluarlunilu.

IMMIKKUT ITTUMIK ATAATSIMIINNEQ – 27. JANUAR 2014



Immikkut ittumik ataatsimiinneq ingerlanneqarpoq Naalackersuisut Siulittaasuata kissaatigimmagu Naalackersuisut katitigaanerat allanngortinneqassasoq, tamannalu Inatsisartunit akuerineqaqqaartussaammat. Naalackersuisut Siulittaasuata makku Naalackersuisunut ilaasortassatut inassutigai:

Steen Lynge (A), Siverth K. Heilmann (A), Kim Kielsen (S), Vittus Qujaukitsoq

(S), Finn Karlsen (S), Jens-Erik Kirkegaard (S), Martha Lund Olsen (S) kiisalu Nick Nielsen (S) – Naalackersuisut Siulittaasuata inassuteqaatai akuerineqarput.

Finn Karlsen Inatsisartunit sulinggifeqartussatut akuerineqarpoq, tamatumalu kingorna Saxdorph Didriksen Inatsisartunut sinniisutut ikkunneqarluni.

SIULITTAASOQARFIUP ISUMASIOQATIGIINNERA – 25. AAMMA 26. FEBRUAR 2014



Inatsisartut suleriaasianni allannguutaasinnaasut aammalu maleruagassat allat Inatsisartut atuunnerannut maleruagassiisut oqaluuserineqarnissaat siunertaralugu siulittaasoqarfik Københavniimi ullumi marlunni isumasioqatigiippoq. Inatsisartut tamarmiusut suliaasa oqinnerulernissaat pitsaassusiatalu qaffannissaat isumasioqatigiinnermi anguniarneqarpoq.

Isumasioqatigiinnermi Siulittaasoqarfiup maleruagassat ataasiakkaarlugit misissorpai aammalu inatsisitigut inissisimaffik periuuserlu atuuttut suleriaatsimik imaluunniit inatsimmik allamik periutsimilluunniit allannguinissamut tunngavissaqalersitsinersut oqaluuseralugu. Ilaatigut ataatsimii-titaliamut ilaasortat amerlassusiat, Naalackersuisunut ilaasortassanik

toqqaasarnaq, Inatsisartuni piffissat oqaaseqarfiusut, partiinut tapiissutit pillugit Inatsisartut inatsisaat, oqaluuserisassatut immikkoortunik ingerlaavartumik tunniussisarnaq il.il. oqaluuserineqarput. Aalajangerneqartut tunngavigalugit suleriaatsip aammalu inatsisit Inatsisartunut maleruagassiisut nutarterneqarnissaannut UKA 2014-imut siunnersuutit suliarineqarput.

Isumasioqatigiinneq assut pissarsifiuulluarpoq, tamatumani apeqqutit tamarmik oqaluuserineqarlutik aammalu siunissami Inatsisartut ataatsimiiinnerini pitsaassutsimut qaffaataasallutik.

NUNAT AVANNARLIIT KILLIIT SIUNNERSUISOQATIGIIFIATA SIULITTAASOQARFIATA ATAATSIMIINNERA – MARTS 2014

Nunat Avannarliit Killiit Siunnersuisoqatigiiffiata siulittaasoqarfia Allattaanermik nutaamik atorfinitsitsinissaq siunertaralugu Savalimmiuni ataatsimiipqoq. Atorfimmut qinnuteqartut 41-pput, tamatumalu takutippaa Nunat Avannarliit Killiit sulineranut annertoorujussuarmik soqutiginnittoqartoq.

Qinnuteqaatinik sukumiisumik misis-suereernermini siulittaasoqarfiup atorfinitsippaa Inga Dora Gudmundsdottir Markussen, Nuummeersoq – aamma takuuk www.vestnordisk.is



INATSISARTUT SIULITTAASUATA ISSITTORMIUT UKIUUNERANI UNAMMIUAARNERINUT ARCTIC WINTER GAMESIMUT (AWG) PEQATAANERA – 14. - 23. MARTS 2014

Inatsisartut Siulittaasuat nunatsinni Timersoqatigiit Kattuffiannik illersuisutut 2014-imi ulloq 14. martsimit 23. martsip tungaanut Arctic Winter Gamesimi peqataanissamut qaaqquneqarpoq.

Siulittaasup timersuutit assigiinngitsut najuuffigai, soorlu Inuit pinnguaataat, illup iluani isikkamik arsarneq, volleyball, nerrivimmi arsaartut, sisorartut il.il. Tamatuma saniatigut siulittaasooq Timersoqatigiit Kattuffiannik illersuisutut unammiaarnerit nalaanni pisortatigoortumik ilasseqatigiinnerni arlalinni peqataavoq.

Pisortatigoortumiik ammaanersiorneq Carlson Centerimi sapaammi unnukkut pivooq KNR-imit toqqaannartumik aallaqaatinneqartumik.

Siulittaasup najuuffigai nerrivimmi arsaararnermik unamminerit, tamatumalu kingorna ajugaasunut siullernut tunniunneqartartunik ulunik tunniussilluni, taakku ilaat kalaallinut nerivimmi arsaarartartunut tunniunneqarlutik.

Aaqqissuussinermi annertuumi AWG-tut angitigisumi namminneq piumassusertik malillugu ikiuuttorpasuit takullugit assut nuannerpoq. Namminneq piumassusertik malillugu ikiuuttut 2000-it missaanniippat AWG-mi illoqarfimmi unammiaarnerit ingerlanneqarneranni ikiuuttut aammalu taama annertutigisumik ikiuutinnikkaluarpata unammiaarnerit ingerlanneqarimasinnaanngikkaluarlutik. Tamatuma



saniatigut suliffeqarfiit aaqqissuussinermut aningaasanik toqqaannartumillu sullississutinik tapiissuteqarinnaminnut piumassuseqarluarput. Unammillernartut tamakku Nuummi aaqqissuussinerup ingerlanneqarnissaani aamma atuutissapput.

AWG ullorpassuit amerlasuunik ulloq tamakkerlugu ingerlataqarfiulluni aammalu unnukkut ilasseqatigiiffiusarluni ingerlanneqarpoq. AWG naggaserneqarpoq Kalaallit Nunaat kulturikkut ilanngutassiinerminut kulturikkut nersornaasiunneqartartumik pissarsilluni aammalu naapertuilluarnerpaamik unammeqataasimasutut akissarsisinneqarluni. Kiisalu naggataarnerniornermi persuarsiorfiusimi AWG-p erfalasua tullianik Nuummi ingerlanneqartussatut takussutissatut Kommuneqarfik Sermersuumut tunniunneqarpoq.

AWG 2016-imi Nuummi ingerlanneqassaaq. Naalakkersuisut aammalu Kommuneqarfik Sermersooq suleqatigiillutik aaqqissuussinermi aqutsisuussapput. AWG ukiut ingerlaneranni aaqqissussatut annertuunngorluni ineriartorsimavoq, tamatumani timersornermik ingerlataqartut inuusuttuaqqat issittumi nunat akimorlugit attaveqalernissaminnut ikinnguteqalernissaminnullu periarfissinneqartarlutik.

UPERNAKKUT ATAATSIMIINNEQ – 18. MARTS 2014-IMIT 5. JUNI 2014-IMUT

Upernaakkut ataatsimiinneq ulloq 18. marts aallartippoq, ulloq 5. juni naam-massilluni. Ataatsimiinnerup nalaani Inatsisartut makku suliaraat;

Ullut ataatsimiiffiusut 31-t akunnernut 118-inut agguataarneqarput (4. juni ilanngullugu naatsorsukkat)

Inatsisissatut siunnersuutit 18-it, taakkunannga		Aalajangiiffigisasatut siunnersuutit 62-it	Apeqquteqaat aal-laavigalugu oqallinnerit 14-it
Akuerineqartut	12	35	Suliarineqartut 11
Tunuartinneqartut	1	22	3
UKA14-imut kinguartinneqartut	5	5	



AKUNNERMUT APEQQARISSARFIUSUMUT ILUSERITITAQ NUTAAQ ATUUTSINNEQALERPOQ – 23. APRIL 2014

Oqallinnerit pitsaassusiata qaffassar-neqarnissaa aammalu inuiaqatigiinni ineriartornermut malinnaatinneqar-nissaa Inatsisartut Siulittaasoqar-fiata ingerlaavartumik sulissutigaa. Taamaattumik akunnermut apeqqar-riissarfiusumut iluserititaq nutaaq Siulittaasoqarfimmit atuutsinneqal-erpoq, tamatumani illuatungiliuttuni partiit siulittaasui oqaaseqartartuulu, partiit siulittaasuat Inatsisartunut ilaasortaanggippat, pingasunngornerit allortarlugit Naalakkersuisut Siulit-taasuannut apeqquteqarnissaminnut periarfissaqarlutik. Partiit siulittaasui tamarmik apeqquteqarnissaminnut

akissuteqarnissaminnullu minuttinik aqqaneq-marlunnik piffissaqartinne-qarput.

Inatsisartut Siulittaasuat KNR.gl-imi ilaatigut ima issuaavigineqarpoq "Taamatut iliuuseqarneq Inatsisartuni Inatsisartullu oqalliseriaasiannik inger-laavartumik inerisaanerup nutarteri-nerullu ilaatut isigaara, taama oqarpoq Lars-Emil Johansen, nangillunilu: Neriuppunga ukiuni aggersuni iliut-sinik taamaattunik Siulittaasoqarfik saqqummiussisinnaajumaartoq."

OPERAMI ALIKKUSERSUILLUNI ISIGINNAARTITSINEQ – 23. MAJ 2014

Inatsisartut siulittaasuat norskit inatsisaata tunngaviusup atuutsinneqaleraneranit ukiut 200-nngortorsiornermut atatillugu Københavnimi Operamut qaaqquneqarpoq. Folketingi dansk-illu naalakkersuisui aliikkusersuilluni isiginnaartitsissummut "To lande – én historie" (nunat marluk – oqaluttua-

risaaneq ataaseq) qaaqqusisuupput. Inatsisartut siulittaasuata Norgep kunnigissaa Haakon ilassivaa, kunnigisap siulittaasup naapinnissaa kissaatigisimallugu. Aammattaaq dansk-itt kunnigikkormiui pisortatiguunngitsumik ilassineqarput.


FOLKETINGIP KALAALLIT NUNAANNUT UKIUMOORTUMIK PAASISASSARSIORLUNI ANGALANERANI ILASSEQATIGIINNEQ – 23. JUNI 2014

Inatsisartut siulittaasuat kiisalu Naalakkersuisut siulittaasuat ataatsimoorlutik folketingip aallartitai Hans Egedep Illuani ilasseqatigiinnermut qaaqqaat. Aaqqissuussinerup nalaani pisortatiguunngitsumik attaveqaqati-


giinnernik pilersitsisoqarpoq aammalu Inatsisartunut ilaasortat Danmarkimi ilaasortaqaatimik naapinnissaannut periarfissinneqarlutik.

NUNANI AVANNARLERNI KILLERNI INATSIARTUT SIULITTAASUISA NAAPEQATIGIINNERAT - ILULISSAT 19. - 21. JUNI 2014

Ilulissani ulluni 19.-21. juni Nunat Avannarliit Killiit Inatsisartuisa siulittaasui ataatsimeeqatigiipput, tamatumani Althingip siulittaasuata Einar K. Gudfinnsonip, Lagtingip siulittaasuata Jógvan á Lakjunip kiisalu Inatsisartut siulittaasuata nunaminni maanna pisut oqaluuseraat. Ataatsimiinnerit nunat akornanni ataatsimut paaseqatigiinnissaq aammalu suleqatigiissutigineqarsinnaasunik ataatsimullu unamilligas-sanik nassaarnissaq siunertaraat.




INATSIARTOQARFIK NUTAAQ



Inatsisartut allaffeqarfissaannik sana-soqassasoq Inatsisartut pingasunngornermi ulloq 27. november 2013-imi amerlanerussuteqarluartunit aalajangerneqarpoq. Illu innuttaasunut qinikkanullu naapittarfiussaaq ammasoq tutsuiginartorlu. Innuttatta kikkuuneritut takutitsisuussaaq aammalu siunissami inatsisartutigoortumik sulinermi siunissamut qulakkeerisumik tulluurtumillu sinaakkusiissalluni. Kalaallit Nunaanni tamat oqartussaaqataanerat ingerlaavartumik ineriartorpoq aammalu qinikkat partiillu kiisalu inuppasuit Inatsisartuni sulisut Inatsisartut allaffitoqaani inissakilliorput.

Inatsisartoqarfissap sananissaanut inatsisitigut tunngavissaq Inatsisartut 27. november 2013-imi aalajangernefisigut pinngorpoq, tamatumani Inatsisartut illussaannik allaffissornermut immikkoortortalimmik nutaamik sananissamut Siulittaasoqarfiup pilersaarutai Inatsisartunit akuerineqarlutik.

Inatsisartut aalajangigaat tunngavigalugu 3 mio. kr.-it immikkoortinneqarput sanaartorerup pilersaarusiornissaanut aammalu illussanik titartaasartunik unammisitsinermi akissarsiaqartitsinissamut atugassat.



Siulittaasoqarfiup erseqqinnerusumik aalajangigaa malillugu Illuut A/S-ip, Inatsisartut Allattoqarfiata aammalu illussanik titartaasarfiup TNT-p sanaartornermik aqutsinermi siunnersortitut atornerqartup akornanni suleqatigiittoqarneratigut suliaq ingerlanneqarpoq.

Sanaartugassaq Illuut A/S suleqatigalugu suliarineqassaaq. Illutassaa periaaseq BOT-mik (Build-Operate-Transfer (sanaartoriarlugu, ingerlate-riarlugu tunniullugu)) taagorneqartoq malillugu pisortat namminersortullu peqatigiinnerisigut aningaasalersorneqassaaq. Taamaalilluni Illuut A/S-ip illup sananeqarnissaanut avataaniit aningaasalersuutissaat pisariaqartin- neqartut pissarsiarissavai, tamatumalu

kingorna tamatuma sananeqarnissaa illuutileqatigiiffiup isumagissallugu. Tamatuma kingorna piffissami ukiuni 30-ni atorunnaarsinneqarsinnaanngitsumik attartorfiusumi illu Inatsisartut attartussavaat, kingornagullu illu aningaasartaqanngitsumik Inatsisartu- nut tunniunneqassalluni. Taamaalilluni Illuut A/S isertitaqartussaassanngilaq.

Illutassaa 5.000 kvadratmeterit mis- saannik angissuseqassasoq naatsor- suutigineqarpoq aammalu aningaasat sanaartornermut atornerqartut tamar- miusut 190 mio. kr.-it missaanniissa- ngatinneqarlutik. Sanaartornermi ator- tussat nunatsinneersut sapinngisamik annertunerpaamik atornerqassapput.



NUTAARSIASSAT KINGULLIIT UANI ATUAKKIT
www.inatsisartut.gl/nutaarsiasat

Inatsisartut · Postboks 1060 · 3900 Nuuk
Oqarasuaat +299 34 50 00
inatsisartut@inatsisartut.gl · www.inatsisartut.gl